

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۲۹۶



مجموعه علوم

هر عربی ایک برزده واون بشنده نشر اولنور

اولفله وارث كامل مجتهد ومستدل ظن ايدرلر اول
اجلدن شارح لرك كيمي شيخ مأمور ومعدور در ديو
شرح ايليوب بعض علما بو محل دسيس در
برهودي ادخال اتمش در ديو افترا لرا تديلر و با جمله
اكثر خلق بو باده شيخه دخل وتعرض قيدنه
دوشوب موروز نبور كي باشنه اوشد بلر لكن شيخ
ديديكي كي قطع و يقين افاده ايدر بر نسنه
بو لاماديلر انجقي بن الامم مشهور اولان شقايه بناء
يازب جزديلر شيخ فصوصده كسندی كسفي
مقتضاسني يازب طريق نظر واستدلال محقق لردن
فاضل علامه جلال دواني دخی بو باده مستقل
رساله يازب قواعد اصول اوزره نصوصدن
استدلال ايله شيخك مدعاسني اثبات ايلادي
كيمي رد و كيمي قبول ايدوب بوزمانه كانه
سورودي

نتيجه بحث بودر كد بو نك كي دعوالرده طريق
نظر طريق تصفيه اراسي اول فرق اولنمق
كر كدر طريق نظر ادايه عقليه و نقليه ايله استدلاله
مبنی در طريق تصفيه رياضة و سلوك ايله كشف
وشهوده مبنی در ايكي سنك دخی باشقه
اصطلاحاري واردر و بحثك اصلي بر طريق
قاعدہ سي واصطلاحی اوزره بنا اولنوب سوال
وجوابده طريق اخر قاعدہ سي واصطلاحی
طرفه نظر والتفات اولنمق كرك تاكه
خلط مسائل و تشويش دلائل لازم كلمه . جمله
بونك امثالي بحثلرده مبدان نزاع وجدال ومنشأ
قيل وقال بوماده در نظر واستدلال اصحابي
كندی قانوني ارزه طريق تصفيه اربانه دخل
واعتراض ايدرلر انلرك طريق ايسه طريق
نظر واستدلال دكل كشف و وجدانه مبنی
واصطلاحاري حكمة اشراقدن مأخوذ باشقه
اصطلاح كشف و وجدان شرعا دليل اولوب
طريق نظرده بدعوا اثبات ايلمزسه كنديلرينه

حجت اولور اوليا اللهم كشف الهامي
كندويه حجت اولق طريق نظرده بيله مسلمدر
موجبي ايله عمل ايسر امدی طريق تصفيه قواعدی
اوزره سوق اولنان دليل ودعوايه نظر قاعده سيله
اعتراض اولنماز اولنورسه كر و اول طريق قاعده سيئله
واصطلاحيله اولنمق كر كدر بو باده معترضلر جمله
طريق نظر واستدلال ايله اعتراض ايدرلر انكي چون
وارد و مسحوع اولماز مع هذا بوماده نصوص
دعواي شيخی اثبات ايدر نكه جلال طريق
نظر قاعده سي اوزره استدلال ايلمشدر بو مرتبه
معلوم اولدقدن صكره بر كسه بو باده نزاع ايدر سه
احق دكلميدر كويا كه حق تعالى نك رحمتي
خلقندن منع و دريغ ايدر فرعونك ايمانندن اكانه
ضرر و كفر نندن نه فائده حاصل اولور هله يهوديلر
بو دعواي اتسه ل انتقام امچون وجهي واردر زيرا
انلرك ابا و اجدادي فرعونندن چوق ستم كورمشدر
اما غيري مله اصحابي انلره تابع اولنك وجهي ندر
امدی طلبه علوم قوا بلنه اولی بودر كد بو باده فرعونه
مؤمن ديمز لسه ده دينلره خصوصاً شيخه دخل
وتعرضده اوليله ل حدا و سطدن چقميله ل

بحث عاشر شيخ محي الدين ابن عربی شاننده واقع
اولان اختلاف بحثي در

بو بحثي دورت كلمه ايله ادا ايدر ز

كلمه اول شيخك ترجمه سي يعني تاريخي در
شيخ مزبور محي الدين محمد بن علي بن محمد بن
عربي الطائي الحاتمي الاندلسي الرسي المالكي در
اندلسده اق دكر كنارنده مرسيه نام شهرده بشيوز
التمش رمضانك يكرمي دنجي كوشنده دنياه كلوب
دمشق شامده صالحيه نام ناحيه ده التيوز اوتوز سكر
ربيع الاخيرينك يكرمي ايكنجی كوني وفات ایدی
سني يتش سكر يني اولور مغرب ديارلرين كزوب
تحصيل علوم و تكميل منظوق و مفهوم ايدوب سلوك
ومجاهده ايله مراتب عاليه نائل اولدی بعده

حجازه کلوب حرمین ده نیچه مدت اقامتدن صکره
شامه واروب وفات ایدنجه اندیه قالدی عصرنده
کثرت تألیف وقوة قدسیه ایله مشهور اولوب
شیخ اکبر لقبی ایله اشتهار بولمیشدی التیوز قدر
کتاب ورسائل تألیفنه موفق اولوب کشف
وشهودی مقتضاسنجه وحده وجود مطلق
مسکین اختیار ایدوب فصوص وفتوحات
امثالی کتابلرنده وارداتن اول مسلك اصطلاحی
اوزره قلمه کتردی وعلسوم غریبه دن علم
حروف ده جفر بئر ومفتاح جفری تألیف وتحریر
ایدوب انکله اهل عصری اوزره تفوق وتفرّد
اتمشیدی مشایخ کباردن شیخ صدرالدین قنوی
کبی افراد کلوب کندودن تلمذ ایلدیلر واکثر
اثارنده جمال سمتی جلال اوزره راجح وغالب
اولغله صکره کلنلرک قبل وقالینه مؤدی اولوب
شاننده خلق اختلافه دوشدیلر

کلمه ثانیه شیخی رد ایدنلرده در شیخ
انتقالند نصکره طریق تصفیه اصحابندن
بعضار وطریق نظر اصحابنک اکثری شیخنک
وحده وجود اصلنه بنا طریق تصفیه اصطلاحی
اوزره یازدغی کتسابلره طریق نظر کوزی ایله
باقوب انکار ایلدیلر وانکارلری بیوجه دکل ایدی
زیرا طریق نظر قانوننه کوره منکر
کور ونوردی اول اجلدن بونلرک کیمی قبول
ایلمیوب انکار ایله اکتفا اندی رد ایله مقید
اولمیدی کیمی دخی انکارده مبالغه واصرار
ایدوب ردلریازدی وعظیم تحامل وهجوملر ایله
شیخی اکفار ایلدی حتی بوفرقة متعصبلی
شیخ اکبری شیخ اکفره تحریف اتدیلر لیکن
بحث سابقده ذکر اولندوغی اوزره نزاع وجدال
اصل فاسد اوزره بنا اولنمغله عندالتحقیق انلرک
تحاملی واکفاری صریر باب وطنین ذباب منزله سنده
کوروندی اهل انصاف اعتبار والتفات ایمیوب

دکلمدیلر انجق یعنی یساردن فرق اتیز کسه لر
انلرک یایغراسنه الدانوب اوزرلرینه لازم دکل ایکن
سوء ظن ایله نیچه وباللره کردیلر البادی اظلم
فجواسنجه باعث اولانلر دخی زیاده وبالدن غیری
نسنه کورمدیلر انجق کندی طریق قانونی اوزره
مخالف کورب انکار خفیف ایله قناعت ایدیلر
فنک وظیفه سنی ادا ایلوب وبالله کرمدی بلکه
مثاب اولدی

کلمه ثانیه شیخی قبول ایدنلرده در طریق
تصفیه اربابنک اکثری وطریق نظر اربابندن
برفرقه که شیخ کلامنک منشائی واصلی ندر
بلدیلر یاخود ظاهر حالنه نظر ایله حسن ظن
ایدوب اصلا انکار ایلمدیلر ووجه سوزلرین حسن
قبول ایله قبول ایلدیلر حتی بوفرقة دن کیمی
شیخ خاتم الاولیا ووارث خلافة محمدیه در دیدی
طعن وتشنیع اربابنه ردلریازوب تصفیه ایلدی
ایکی طرف دخی افراط وتقریطدن خالی اولمدیلر
اما وحده وجود مسئله سنده شیخنک صکره کلن
اکثر مشایخ صوفیه شیخه تابع اولدیلر نظر وتصفیه
طریقیتی یلینی جمع ایدنلردن محقق سامی مولانا
جامی بومسئله بی بررسالده مفصل ومشروح
تحریر و بیان ایلمشدر مراد ایدنلر اکا مطالعه
ایدیلر

کلمه رابعه شیخ حقنده توقف ایدنلرده در
ذکر اولنان ایکی طریق اصحابندن بوفرقة
شیخ شاننده توقف ایدوب کتابلرینه باقدیلر
ردو قبول ایله مقید اولوب کشاکش ورطه سنه
اوغرمادن توقف کنارنده طور مقیدر سلامت
انده در دیدیلر وبونلر اصابت ایلوب ضرر
کورمدیلر نفسننه صدر الدین قونوی حضرتلری
وصیت نامه سندن مستفاد اولان دخی بودر زرا
انلر بزدن صکره شیخنک و بزم کتابلریمزدن هر کس
استفاده یه هوس ایلیمه زرا اکثر ناسندن اول

باب مسدود در دیو جمله و صایاسندن قلمشدر
امدی طاب حق کر کدر که انصاف ایله اکر
غوا مض کلمات مشایخی فهم مرتبه سنده دکل
ایسه اول مقام دن دم اور میوب کندری شک وشبهه
دخل و تعرض ورطه لرنه دوشور میه شیخ حقه نه
حسن ظن اولی در اتمدی کی تقدیرده سوء ظن
مسلكنه کتمیه عامه مؤمنین حالنه لایق اولان
بودر الله تعالی حسن ظنه موفق ایلیه

بحث حادی عشر لعن یزید بحثی در

بو بحث دخی معرکه اراوساثر ابحا ثدن قدیمدر
بنی امیه وال عباس وسنی وشعی پیونده سائر
ودائر اولوب اول زماندن بروسورینور بحثدر
اصلی بودر که حضرت فخر عالم صلی الله علیه
وسلم بعثتی ایله دوات اسلامیه ظهور ایدوب
دین مبین امورنی تمشیت طرح اساس حکومت
وآیین دوات اقتضا تمکله کندیلری زمان سعادت لرنده
نبوت ایله سلطنت یبنتی جامع اولدیلر الخلافه
بعدی ثلثون سنه بیوردقلری اوزره اوتوز سنه
خلفاء راشدین اجراء احکام دین ایلیوب مدت
خلافه تمامندنضکره ثم تكون ملوکا عضوضا
فحواسنجه دولت طالبلری حکم غالبک قضیه سیله
عمل ایدوب حرکت کلدیلر غرض بلالی صورتا
بعض امر دینه متعلق دعوالره یاشوب اول بهانه
ایله حضرت عثمان و حضرت علی رضی الله عنهما
عصر نده نیچه نزاع و جنک اولوب متغلبین دن
شامده بنی امیه دولتی ظهور ایلدی اهل اسلام
اراسنه اختلال دوشوب فرقه فرقه اولدیلر دولت
بنی امیه و بنی هاشم اراسنده نزاع اوزره قالبوب
حضرت امام حسن خلافت دعواسندن فراغت
ایدیچک دولت بنی امیه ده قرار ایلدی لکن
بنی هاشم طرفنه بوخصوص غایت کران کلوب
جکرگاه اولدی هضم مشکل اواغله حضرت
امام حسن مدینه دن قالدرب دولتی انتراع

مصلحتی ایچون عراق عرب به کوتوردیلر بنی امیه
طرفی اکاه اولدقده اعوان وانصاری بهر حال
عادت اوزره مدافعه به قائم اولدیلر و کربلا وقعه سی
ظهور یدوب اول اراده امام حسین رضی الله عنه و اتباعی
شهید اولدیلر وقعه مذکوره هجرتک التمش
برنجی ییلنده اولوب اول زمان شامده یزید بن
معاویه پادشاه ایدی بوخصوص بنی هاشمه
داغ درون اولوب سیف ایله انتقام قابل اولمچق
لسان ایله یزیده و اتباعنه شتم ولعنه باشلیوب انکله
تشیغ غیظ ایدرلردی شیعیلر اراسنده بوماتم
ولعن اول زماندن عادت قالبوب کیدرک سنی لره
دخی سرایت ایلدی یوز اوتوز ایکی سنه سنده
بنی هاشمدن آل عباس ظهور ایدوب بنی امیه
استیصال اولدقده سب ولعن ارتوب شیعیلردن
نیچه سی مذهب رفضه تابع اولوب حاشاسب
شیخین اتمکه باشلدیلر حضرت علی و اولاد
علی حقه نه خوارج تفریط اتدیکی کبی روافض
افراط ایلدیلر آل عباس عصر نده اهل سنت
علماسی ایله علماء شیعه پیونده بو باده نیچه
قیل و قال اولدی عقائد اسلامیه یاز یلوب اصول
کتابلری تدوین اولوب اصحاب کرام حقه نه
عامه اهل اسلامه واجب اولان اهل سنت
اعتقادنی بویله بیان ایلدیلر که عموم اوزره صحابه
خیره ذکر اولنه و شره متعلق اولان کلام انلر حقه نه
لسانه کلیه و جمله سنه حسن ظن اولنوب ارا لرنده و اق
اولان نزاع وجدال خصوصند دنیله که انلر جمله مجتهد
لردر مجتهد خطا ایلمک جائزدر اصابه ایدر سه ایکی اجر
خطا ایدر سه بر اجر واردر عندالله جمله سی مثاب
وما جور لردر و حضرت علی و معاویه خصوصنده
دنیله که معاویه رضی الله عنه اجتهدده خطا
اتدی حق حضرت علی رضی الله عنه طرفنده
ایدی اما یزید خصوصنده اختلاف ایدیلر
منزبور صحابه دن اولیوب یکر می بش سنه سنده